

## Набий алайҳиссаломнинг тунги намозлари

Image not found or type unknown



11:18 / 27.01.2024 2118

هُلِّلَا يَضَرَّهَ رَبِّي نَع  
هُلِّلَا يَلْصِقُ بِنَلَا نَع، هُنَّ  
مَاقِ إِذَا لَاقِ مَلَسُو هِي لَع  
لِيْلَلَا نَمُ كُدَحَا

هُتَالَصُ حَتَّتْ فِي لَفٍ  
هُأَوْرٍ نِيَّتْ فِي فَخٍ نِيَّتْ غُكَّرِب  
دَمُحْ أَوْ دُوَادٍ وَبِأَوْ مَلْسُمُ

Абу Хурайра розияллоху анхудан ривоят қилинади:

«Набий соллаллоху алайҳи васаллам:

**«Бирортангиз кечаси (таҳажжудга) турса, намозини енгилгина икки ракъат билан очсин»,** дедилар».

*Муслим, Абу Довуд ва Аҳмад ривоят қилганлар.*

Бу ҳадисда таҳажжуд намозини енгилгина икки ракъат намоз ўқиш билан бошлаш тавсия қилинмоқда. Албатта, уйқудан туриш билан бирданига қаттиқ ҳаракат қилиш, узоқ тик туриб, намоз ўқиш оғир келади. Шунинг учун аввал енгилгина икки ракъат намоз ўқилса, бу ўзига хос чигал ёзиш машқи ҳам бўлади. Инсоннинг руҳи ҳам, жисми ҳам келажакдаги намозларга яхшилаб тайёрланади. Ана ундан кейин хоҳлаганича ўқийверади.

هُلَلَا يَضَرُّهُ شَيْءٌ أَعْتَلَى سَوٍ  
هُلَلَا لُؤْسَرِةَ أَلَصُ نَعَاهُ نَعٍ  
مَلْسُ وَهَيْلَعِ هَلَلَا يَلَصُ  
غُبَسُ: تَلَأَقَفٍ، لِيْلَلَابِ  
يَوَسَّةَ رُشَعِ يَدْحِ أَوْ غُسْتَوِ

# هُوَ أَوْ رَجُلًا يَتَعَكَّرُ يُرَاخُبُ لَهَا

«Оиша розияллоҳу анҳодан Расулуллоҳ соллаллоҳу алайҳи васалламнинг тунги намозларидан сўралди. Бас, у киши: «Фажрнинг икки ракъатидан ташқари етти, тўққиз ва ўн бир», дедилар». Бухорий ривоят қилган.

Демак, Пайғамбаримиз соллаллоҳу алайҳи васаллам имкониятларига қараб, бир ракъат витрдан ташқари олти, саккиз ёки ўн ракъат тунги намоз ўқир эканлар.

ذُبَعِ نُبَّةَ مَلَسَ يَبَأُ نَع  
: شَيْءٌ لَأَسُؤُهُ نَأُ نَمُحَّرُ لَهَا  
لِوَسْرَةِ آلِ صُتْنَاكَ فَيَاكَ  
هِيَ لَعَلَّهَا لَصَّ هَلَلَا  
: تَلَأَقُفُ نَأْضَمَرُ يَفُ مَلَسُ و  
يَلَصَّ هَلَلَا لُوسْرَةَ نَأْكَ أَمْ  
يَفُ دِيَزِي مَلَسُ و هِيَ لَعَلَّهَا  
نَعِ هِرْيَغُ يَفُ أَلَوَ نَأْضَمَرُ

يَلَّصِي، عَكَرَ رَشَعَ يَدْحًا  
نَهْنَسُحُ نَعْلَسَاتِ أَلْفِ أَغْبَرًا  
أَغْبَرًا يَلَّصِي مُمْثٌ، نِهْلُوطُو  
نَهْنَسُحُ نَعْلَسَاتِ أَلْفِ  
، أَثَالَتِ يَلَّصِي مُمْثٌ، نِهْلُوطُو  
، هَلَلِ الْوُسَرِ أَيُّ تَلْقَفِ  
رَتُوتٌ نَأَلْبَقُ مَأَنَاتٌ  
يَنْيَعُ نَأِي، شَيْءٌ أَيُّ لَأَقَفِ  
يَبْلَقُ مَأَنِي الْوِنَامَانَتِ  
. عَسْمُ خَلِ أُمُّهَ أَوْرُ

Абу Салама ибн Абдурраҳмон розияллоҳу анҳудан ривоят қилинади:

«У киши Оиша розияллоҳу анҳодан:

«Расулуллоҳ соллаллоҳу алайҳи васалламнинг Рамазондаги намозлари қандай бўлган?» деб сўралганда:

«Расулуллоҳ соллаллоҳу алайҳи васаллам Рамазонда ҳам, ундан бошқа пайтда ҳам ўн бир рақъатдан зиёда қилмас эдилар. Аввал тўрт рақъат ўқир эдилар. Уларнинг гўзаллиги ва узунлигини асти сўрама. Кейин яна тўрт рақъат ўқир эдилар. Уларнинг гўзаллиги ва

**узунлигини асти сўрама. Сўнгра уч ракъат ўқир эдилар. Мен:  
«Эй Аллоҳнинг Расули, витр ўқишдан олдин ухлайсизми?» дедим. У  
зот:**

**«Эй Оиша, албатта, менинг кўзларим ухлар, қалбим ухламас»,  
дедилар».**

*Бешовлари ривоят қилганлар.*

1. Тунги намозни тўрт ракъатдан ўқиш ҳам жоиз.  
Имом Абу Ҳанифа ушбу ҳадисни ҳужжат қилиб, **«Тунги намоз тўрт ракъатли бўлгани афзал»**, дейдилар.
2. Тунги намозни узун ва чиройли қилиб ўқиш кераклиги.
3. Витр намозининг уч ракъат эканлиги.
4. Пайғамбаримиз соллаллоҳу алайҳи васалламнинг кўзлари ухласа ҳам, қалблари ухламаслиги.

**«Ҳадис ва ҳаёт» китоби асосида тайёрланди**